

出像搜神記

漢書門			
九	九	一	〇
八	四	〇	〇
三	八	四	〇
冊	架	函	號

庫文閣內			
三〇九	九	九	〇
〇	九	一	〇
五	三	〇	〇
冊	冊	號	類

小説

內閣文庫			
番號	漢	9910	
冊數	3	(1)	
函號	309	87	

309-87





金刻... 爲... 國... 本... 空... 新...
... 申... 道... 大... 全...

刻出像增補

金陵唐氏富春堂梓

搜神記大全

引搜神記

晉書文庫


和

書

卷

第

神何昉乎百物之精乎法施民勞
定國歿勤事禦菑捍患及山林川
谷丘陵云雲為風雨見怪物皆曰
神其氣發揚于上為昭明君蒿悽
愴祭法有天下者祭百神重之也



增補出傳神記
昔新蔡于常侍著搜神記三十卷
劉惔見謂曰鬼之董狐夫于晉人
也迄今日于百年于斯善本已就
圯雖閩刻間有之而存什一于千
伯不免貽漏萬之譏登不肖走衣
食嘗溯燕關探鄒魯遊齊梁下吳


楚歐越之區中間霧縹神界磅礴
豁舒靡不領畧而悉數之歲萬曆
紀元之癸巳來止陪京為披閱書
記得搜神記于三山富春堂讀之
見其列呂卷別以類且繪呂像質
之不肖前日所周覽者而一墨蓋

地祇傳卷之四
不襲于舊能得于意發于未明增
于所未備卓哉神也要在造民福
而拱翼我

皇圖于億萬斯永者不肖媿非劉君
能無董狐之賞于心耶嗟又幽明
一也神唯靈而後傳紀記傳而神

之靈益傳世有義大冠拖長紳呼
呵擁衛既自赫然稱神矣迺復身
世與草木同朽腐而今史冊闕無
聞述可乎

登之甫羅懋登書



新刻出像增補搜神記卷之一

金陵三山對溪唐富春校梓

目錄

儒氏源流

釋氏源流

道教源流附聖母

玉皇上帝

聖祖尊號附
聖母尊號附

后土皇地祇

東華帝君

即東王公

西王母

上元一品大帝

中元二品大帝

下元三品大帝

東嶽

南嶽

西嶽

北嶽

中嶽

四瀆之神

五方之神

太乙之精

肩吾

燭陰

雷神

電神

雷伯兩師附

儒氏源流



儒氏源流

九月十五日聖誕

至聖文宣王魯曲阜昌平鄉闕里其先宋人也先聖
 曾大父曰孔防叔避宋華督之難徙居於魯生伯
 夏伯夏生叔梁紇長子曰孟皮字伯丘有疾不任
 繼嗣次子則先聖是也魯襄公二十一年冬十月
 庚子日先聖生是夕有二龍繞室五老降庭五老
 者五星之精也母顏氏房聞奏鈞天之樂空中有
 聲云天感生聖子故降以和樂笙鏞之音生而首
 上項項故因名丘字仲尼幼而喪父葬於防山先
 聖身長九尺二寸腰大十圍凡四十九表反首注

面月角日準坐如龍躡立如鳳峙望之如仆就之
如鼎耳垂珠庭龜脊龍形虎掌胼脇參膺河目海
口山臍林背翼臂蚪唇注頭龜鼻阜腋堤眉地足
谷竅雷聲澤腹昌顏均頤輔似驥齒眉有一十二
彩目有六十四理其頭似堯其顙似舜其項類皋
陶其肩類子產自腰以下不及禹三寸有大聖之
德學極天人道窮秘奧龜龍御負之書七政五緯
之事包犧皇帝之熊堯舜周公之美魯定公以先
聖為中都宰一年四方諸侯皆則焉九年始為邑
辛十年為司空十一年為大司寇攝行相事十四
年誅魯大夫亂政者少正卯典聞國政三月粥豚

羔者弗節賈男女行者別於塗塗不拾遺四方之
客至于邑者不求有司皆予之以歸去魯十四年
魯哀公十一年先聖自衛反魯刪詩書定禮樂成
六藝晚而喜易讀之窮天地之奧為彖象文言繫
辭以發其秘告弟子於洙南泗北門徒三千博徒
六萬連者七十二人昔先聖未生時有麟吐玉書
於闕里其文曰水精之子係周衰而素王顏氏異
之以繡紱繫麟角經宿而麟去至哀公十四年西
野叔孫氏車子鋤商獲獸以為不祥先聖視
之曰麟也胡為來哉反袂拭面泣涕沾衿叔孫聞
之然后取之而繫角之紱尚存先聖曰吾道窮矣

乃因魯史而作春秋又加褒貶而修中興之告騷
見而天告先聖之亡徵也先聖病夢在兩楹之間
子貢請見曰子方負杖逍遙於門曰賜汝何來晚
也先聖因嘆曰太山頽乎梁木壞乎哲人萎乎因
以涕下子貢曰天下無道久矣莫能宗予后七日
沒年七十三至魯哀公十六年夏四月己丑葬於
魯城北哀公十一年立廟於舊宅守陵廟百戶弟
子皆服心喪三年畢相訣而去則哭各盡哀或復
留唯子貢廬於冢側六年然后去弟子於廟藏先
聖衣冠琴瑟車書弟子及魯人往從冢而冢百有
餘室因命曰孔氏魯世世相傳歲時奉祀於冢子

孫世襲不絕

聖朝崇奉追封尊號

大成至聖文宣王

聖室鄆國夫人

聖父封齊國公

聖母封魯國太夫人

釋氏源流



釋氏源流

四月初八日聖誕

釋迦牟尼佛姓刹利父淨飯天母清淨妙位登補處
生兜率天上名曰勝善天人二名護明大士度諸
天衆說補處行二於十方界中現身說法普耀經
云佛初生刹利王家放大智光明照十方世界地
湧金蓮華自然捧雙足東西及南北各行於七步
分王指天地作獅子吼聲上下及四維無能尊我
者即周昭王二十四年甲寅歲四月八日也至四
十二年三月八日年十九歲欲求出家而自念言
當復何遇即於四門遊觀見四等事心有悲喜而

作思惟此老病死終可厭離於是夜子時有一天
人名曰淨居於牕牖中又手白太子言出家時至
可去矣太子聞之心歡喜即逾城而去於檀特山
中修道始於阿藍迦藍處三年學不用處定知其
非便捨去復至鬱頭藍佛處學三年不用處定知
其非亦捨去又至象頭山同諸外道日食麻麥經
於六年故經云以無心意無授行而悉摧伏諸外
道先歷試邪法示諸方便發諸異見令至菩提故
普集經云菩薩於二月八日明星出時成佛號天
人師時年三十矣即穆王三年癸未歲也既而於
鹿野苑中為憍陳如等五人轉四諦法輪而論道

果說法住世四十九年後告弟子摩訶迦葉吾以
清淨法眼涅槃妙心實相無相微妙正法將付於
汝汝當護持并勅阿難副貳傳化無令斷絕而說
偈言

法本法無法 無法法亦法 今付無法時

法法何曾法

爾時世尊說此偈已復告摩訶迦葉吾將金縷僧
伽黎衣傳付於汝轉授補處至慈世佛出世勿令
朽壞摩訶迦葉聞偈頭面禮足曰善哉善哉我當
依勅恭順佛故爾時世尊至拘戶那城告諸大眾
吾今背痛欲入涅槃即往熙連河側娑羅雙樹下

右脇累足泊然宴寂復從棺起為母說法特示雙足化婆耆并說無常偈曰

諸行無當

是生滅法

生滅滅已

寂滅為樂

時諸弟子即以香薪競茶毗之燼後金棺如故爾時大眾即於佛前以偈讚曰

凡俗諸猛熾

何能致火爇

請尊三昧火

闍羅金色身

爾時金棺從坐而舉高七多羅樹徃反空中化火三昧頃更灰生得舍利八斛四斗即穆王五十二年壬辰歲二月十五日也自世尊滅後一千一十

七年教至中夏即後漢明帝夜夢金人身長大項有日月光以問群臣或曰西方有神其名曰佛陛下所夢得無是乎於是遣使到天竺問其道得其書及沙門以來沙門云佛長一丈六尺黃金色項中佩日月光變化無大無所不通故能通萬物而大濟群生云



道教源流

百十首聖生

金闕玄元太上老君聖紀按洞玄靈寶元始上帝貞
 教九符經道君造皇帝曰昔天地未分陰陽未判
 濛洪杳冥溟滓大梵寥廓無光結聖自然中有百
 千萬重正氣而化生妙無聖君歷尊號曰妙無上
 帝自然元始天尊一號天寶夫人經九億九萬九
 千九百九十億萬劫次結百千萬重真氣而化生
 妙有聖君自稱妙有大帝虛無玉晨大道君一號
 靈寶夫人經八億八千八百八十億劫次結百千
 萬道氣化生混沌聖君紀號至真大帝萬變混沌

出像增補神譜

出像地神神言 卷之一
玄元老君一號神寶丈人又按老君聖紀經太上
老君居太清境乃元氣之祖宗天地之根本於至
寂至虛之內太初太始之先惟數御運布氣融精
開化天地而歷成壞三像不可量計其化身周遍
塵沙世界亦非筭數紀極開闢之後觀世代之澆
流隨時立教代為帝師達立法度或流九天或傳
四海自三皇而上歷代帝王咸宗奉焉是知天上
天下道氣之內皆老君之化也垂億萬之法無不
濟度蓋百姓日用而不知也老子曰吾乃生乎無
形之先起於太初之前行乎太素之元立於太渺
之端浮游幽虛之中出入杳冥之門故葛玄序道

德經云老子躰自然而然生乎太無之先起乎無
因經歷天地始終不可稱載又云世人謂老子降
於殷代老子之號始於無數劫甚杳冥冥渺邈
久遠矣開闢已前復下為帝師代代不絕人莫能
知之按老子傳記自開闢之前下至殷湯代代為
王者師皆化身降世當殷湯四十七年庚申始示
誕生之跡自太清常道境乘太陽日精化五色玄
黃犬如彈丸時玉女晝寂流入口中吞之有孕懷
八十一歲至武丁九年庚辰剖玉女左腋而生生
而色白號曰老子生於李樹之下指樹曰此吾姓
也名耳字伯陽自殷武丁九年庚辰下至秦昭王

九年西昇崑崙計九百九十六年矣

按李石續博物志云唐高祖武德三年晉州人吉善行於羊角山見白衣父老呼善行曰為吾語唐天子吾為老君即汝祖也高祖因立廟高宗追尊玄元皇帝明皇註道德真經今學者約之西京及諸州各置玄元皇帝廟京師號玄元宮諸州號紫極宮尋改西京為太清宮東京為太微宮皆置學生尊號曰

大聖祖高上大道金闕玄元天皇大帝

宋國朝會要曰宋真宗太平祥符六年八月十一日制謹奉上

尊號曰

太上老君混元上德皇帝

聖母尊號

唐武后光宅三年九月甲寅追尊

聖母曰先天太后

祖殿在亳州太清宮是也

玉皇上帝



玉皇上帝

正月初九日聖誕

按聖紀所載云往昔去世有國名號光嚴妙藥其國
王者名曰淨德時王有后名寶月光王乃無嗣嘗
因一日作是思惟我今將老而無太子身或崩滅
社稷九廟委付何人作是念已即便勅下詔諸道
衆於諸宮殿依諸科教懸諸幡蓋清淨嚴潔廣陳
供養六時行道偏禱真聖已經半載不退初心忽
夜寶月光皇后夢太上道君與諸至真金姿玉質
清淨之儔駕五色龍輿擁不景旌蔭明霞蓋是時
太上道君安坐龍輿抱一嬰兒身諸毛孔放百億

光修長和神言 卷之一
光照諸宮殿作百寶色幢節前通浮空而未是時
皇后心生歡喜恭敬接禮長跪道前白道君言今
王無嗣願乞此子為杜稷主伏願慈悲哀愍聽許
爾時道君答皇后言願特賜汝是時皇后禮謝道
君而乃收之皇后收已便從夢歸覺而有孕懷一
年於丙午歲正月九日午時誕於王宮當生之時
身寶光穆克滿王國色相妙好觀者無厭幼而敏
慧長而願善於其國中所有庫藏一切財寶盡皆
散施窮乏困苦鰥寡孤獨無所依怙飢饉癯殘一
切衆生亡愛和遜敵誼有造化及遐方天下仰從
歸仁太子父王加慶當爾之后王忽告崩太子繼

政俯金河生告勅大臣嗣位有道遂捨其國於普
明秀岩山中修道功成超度過是劫已歷八百却
身常捨其國為群生故割愛學道於此後經八百
却行藥治病拯救衆生令其安樂此却盡已又歷
八百却廣行方便啟諸道藏演說靈章恢宣正化
敷揚神功助國救人自幽及顯過此已後再歷八
百却亡身殞命行忍辱故捨已血肉如是修行三
千二百却始證金僊號曰清淨自然覺王如來
宋真宗實錄曰大中祥符七年九月上對侍臣曰
自元符之降朕欲與天下臣庶同上玉皇聖號至
天禧元年正月辛丑朔帝詣大初殿恭上玉皇大

天帝聖號曰

太上開天執符御曆含真體道玉皇大帝

聖祖尊號

御製靈遇記曰景德初王中正遇司命真君傳藥金
法上之四年十一月降劉承規之真舍五年始奉
上徽號曰

九天司命天尊宋真宗實錄曰大中祥符五年十月
十七日上夢景德四年先降神人傳玉皇命云今
汝祖趙有名此月二十四日降如庚真元事至日
天尊降延恩殿閏十月己巳加號

聖祖上靈高道九天司命保生天尊

聖母尊號

國朝會要曰天禧元年三月六日冊上聖母尊號曰
元天大聖后
先是大中祥符五年制加上聖祖母號候兗州太極
觀成擇日奉上至是詔王旦等行冊禮

后土神祇



后土皇地祇

三月十八日聖生

天地未分混而為一，二儀既判，陰陽定位，故清氣騰而為陽，濁氣降而為陰。地為陽，天者五木相傳，五天定位，上施日月，參著玄象，為陰地者五行相乘，五氣凝結，負載江海山林屋宇，故曰天陽地陰。天公地母也，世界曰后土者，乃天地初判黃土也。故謂土母正廟在分陰，宋真宗朝大中祥符三年七月二十三日詔封后土皇地祇，其年駕幸華陰親祀之。今揚州蕃釐觀后土祠也。殿前瓊花一株，香色柯葉絕異，非世之常品。

東華帝君



東華帝君

東華帝君絕習在道氣凝寂湛躰無為將欲啟迪玄
 功生化萬物先以東華至真之氣化而生木公於
 碧海之上蒼靈之墟以主陽和之氣理於東方亦
 號王公焉與金母皆挺質太元毓神玄奧於東方
 溟滓之中分大道醇精之氣而成形與王母共理
 二氣而育養天地陶鈞萬物凡天上天下三界十
 方男子之登仙得道者悉所掌焉居方諸之上按
 塵外記方諸山在東海之內其諸司命三十五所
 以隸天上人間罪福帝君為大司命總統之山有

東華臺帝君常以丁卯日登臺四望學道之人凡
仙有九品一曰九天真王二曰三天真皇三曰太
上真人四曰飛天真人五曰靈仙六曰真人七曰
靈人八曰飛仙九曰仙人凡此品次昇天之時先
拜木公后謁金母受事既訖方得昇九天入三清
拜太上而觀元始故漢初有四五小兒戲於路中
一兒詩曰看青裙上天門揖金母拜木公時人皆
莫之知唯子房往拜焉曰此東王公之玉童也昔
元始告十方天人曰吾自造言混沌化生二儀後
御陰陽始封皇上元君與東華扶桑大帝等校量水
火定平初敷中皇元年太上於玉清瓊房金闕上

宮授帝寶經花圖玉訣使傳後學玉名合真之人
故玄綱云東華不秘於真訣是也紫府者帝君校
功行之所夫海內有三島而十洲列其中上島三
洲謂蓬萊方丈瀛洲也中島三洲謂芙蓉闕苑瑤
池也下島三洲謂赤城玄閼桃源也三島九洲鼎
峙混一之中又有洲曰紫府踞三島之間乃帝君
之別理迂轉靈官職位較量群仙功行自地仙而
至神仙神仙而至天仙天仙而轉真聖入虛無洞
天凡三遷也皆帝君主之釋之名也東華者以帝
君東華至真之氣化而生也分治東極居東華之
上也紫府者職居紫府統三十五司命遷轉虛官

山修補和才初言

較品真仙也陽者主東方少陽九氣生化萬彙也
帝君者位東方諸天之尊君牧衆聖為生物之王
易曰帝出乎震是也故曰東華紫府少陽帝君又
真教元符經云昔二儀未分溟滓濛洪如鷄子玄
黃之中也自然有盤古真人移古就今是曰盤古
乃是天地之精自號元始天王游行虛空之中又
有太元聖母化生天脊臙中經一劫天王行施聖
母遂生天皇號上皇元年始世主萬六千歲受元
始上帝符命為東宮大帝扶桑大君東皇公號曰
元陽父考之仙經或號東王公或號青童君或號
方諸君或號青提君名號雖殊即一東華也

聖朝至元六年正月日上尊號曰
東華紫府少陽帝君

西王母



西王母

七月十八日生

西王母者乃九靈大妙龜山金母也號太虛九光龜
 臺金母焉吾乃西華之至妙洞陰之極尊在昔道
 氣凝寂湛躰無為將欲贊助玄功生化萬物先以
 東華至真之氣化而生木公焉木公生於碧海之
 上蒼靈之墟以主陽和之氣理於東方亦號曰東
 王公焉又以西華至妙之氣化而生金母焉金母
 生神於伊川厥姓緜氏生而飛翔以主元毓玄奧
 於眇莽之中分大道醇精之氣結而成形與東王
 公共理二氣而養育天地陶鈞萬物矣柔順之本

此像曾南更申已

卷之二

一

為極陰之元位配西方母養群品天上天下三界
十方女子之登仙得道咸所隸焉所居崑崙之圃
閼風之苑玉樓玄臺九層左帶瑤池右環翠水女
五華林媚蘭青娥瑤姬玉卮周穆王三十五年命
八駿使西巡狩至崑崙賓謁祠見之持白璧重錦
以為王母壽焉時王母以瑤池玕饗紫府瓊漿九
天仙藥於穆王燕於瑤池七月七日降漢武帝殿
母進蟠桃七枚於帝自食其二帝欲留挾母曰此
桃非世間所有有三千年一實忽東方朔於牆間窺
之母指之曰此兒已三偷吾桃矣是日命侍女董
雙成吹雲和之笛王子登彈八琅之璈許飛瓊鼓

靈虛之簧安法典歌云

以為武帝壽焉

東王公

相傳東王公與玉女投壺梟而脫誤不接者天為之
笑開口流光今電是也

上元一品



上元一品大帝

正月十五日聖生

上元一品九氣天宮紫薇大帝即延生之符始陽之
 氣結成至真處玄都元陽七寶紫薇上宮總主上
 宮諸天帝王上聖高真參羅萬象星君每至正月
 十五日上元月日天官考籍大千世界之內十方
 國土之中上至諸大神仙升臨之籍星宿照臨國
 土分野之簿中至人呂考限之期下至魚龍變化
 飛走潛動生化之期並俟天官集聖之日錄奏分
 別隨業改形隨福受報隨劫轉輪隨業生歿善惡
 隨緣無復差別

中元二品大帝



中元二品大帝

七月十五日聖

中元二品七氣地官清虛大帝九土無極世界洞空
 清虛之宮總主五岳帝君并二十四治山九地土
 皇四維八極神每至七月十五日中元月日地官
 考籍大千世界之內十方國土之中上至諸大神
 仙升臨之籍星宿照臨國土分野之薄中至人品
 考限之期下至魚龍變化飛走潛動生化之期並
 俟地官集聖之日錄奏分別隨業改形隨福受報
 隨劫轉輪隨業生死善惡隨緣無復差別

下元三品大帝



下元三品大帝

下元三品五氣水官洞陰大帝洞元風澤之炁晨浩
之精金靈長樂之宮總主九江水帝四瀆神君十
二溪真三河四海神君每至十月十五日下午元月
日水官考籍大千世界之內十方國土之中上至
諸大神仙升臨之籍星宿照臨國土分野之薄中
至人呂考限之期下至魚龍變化飛走潛動生化
之期並俟水官集聖之日錄奏分別隨生改形隨
福受報隨劫轉輪隨業生歿善惡隨緣無復差別
宜悉知之

東嶽



東嶽

三月廿八日生

泰山者乃群山之祖五嶽之宗天地之神靈之府也。在兗州秦符縣今太安州是也。以梁父山為儲副。東方朔神異經曰：昔盤古氏五世之苗裔曰赫天氏。赫天氏曰胥勃氏。胥勃氏曰玄英氏。玄英氏子曰金輪王。金輪王弟曰少海氏。少海氏妻曰彌輪。彌輪女也。彌輪仙女夜夢吞二日。覺而有娠。生二子。長曰金蟬氏。次曰金虹氏。金虹氏者即東岳帝君也。金蟬氏即東華帝君也。金虹氏有功在長白山中。至伏羲氏封為古歲。為大華真人。掌天仙六

籍遂以歲為姓諱崇其古歲者乃五岳之前無上
天尊所都之地今之奉高是也其后乃水一天尊
之女也至神農朝賜天符都官號名府君至漢明
帝封太山之帥掌人世居民貴賤高下之分祿料
長短之事十八地獄六案簿籍七十五司生歿之
期聖帝自堯舜禹湯周秦漢魏之世只有天都府
君之較按唐會要曰武后垂拱二年七月初一日
封東岳為神岳天中王武后萬歲通天元年四月
初一日尊為天齊君玄宗開元十三年加封天齊
王宋真宗大中祥符元年十月十五日詔封
東岳天齊仁聖王至祥符四年五月日尊為帝號

東岳天齊仁聖帝

淑明皇后

聖朝加封大生二字餘封如故

帝五子

宣靈侯

惠靈侯

至聖炳靈王

居仁盡睦尊師

佑靈侯

帝一女

玉女大仙

即岱岳太平頂王女娘是也

岳陽神記

卷之一

二十四

南嶽



南嶽

南嶽衡山衡州衡山縣是也以霍山為儲副東方朔

神異經云

姓崇諱單南嶽主於世界星辰分野之地兼麟甲
水族龍魚之事大中祥符四年五月二十五日追
尊帝號

司天昭聖帝

景明皇后

聖朝加封大化二字餘封如故

西嶽



西嶽

西嶽華山在華州華陰縣是也以太白山為儲副東方朔神異經云神姓善諱坐西岳者主管世界金銀銅鉄五金之屬陶鑄坑冶兼羽毛飛鳥之事大中祥符四年五月日追尊帝號

金天順聖帝

肅明皇后

聖朝加封大利二字餘封如故

北嶽



北嶽

北嶽恒山在定州曲陽縣是也以崆峒山為儲副東方朔神異經云神姓晨諱訾西嶽者主於世界江河淮濟兼虎豹走獸之類蛇虺昆虫等屬大中祥符四年五月日追尊帝號

安天玄聖帝

靜明皇后

聖朝加封大貞二字餘封如故

皇朝增補神記

中嶽



中嶽

中嶽嵩山在西京河南府登封縣是也。以少室山為
諸副。東方朔神異經云：神姓暉諱善。中岳者主於
世界地。澤川谷溝渠山林樹木之屬。大中祥符四
年五月日，追尊帝號。

中天崇聖帝。

正明皇后。

聖朝加封大寧二字，餘封如故。

四瀆神



四瀆神

江瀆神即楚屈原大夫也唐始封二字公宋加四字公

本朝加封四字王號

廣源順濟王

河瀆神即漢陳平也唐始封二字公宋加四字公

靈源弘濟王

淮瀆神即唐裴度也唐始封二字公宋加四字公

長源候濟王

濟瀆神即楚作大夫也唐始封一字公宋加四字公

清源漢濟王

本朝加封四字王號

五方之神



五方之神

武王伐紂都洛邑天大雨雪甲子朔五神車騎止王
 門之外欲謁武王王曰諸神各有名乎師尚父曰
 南海神名祝融北海神名玄冥東海神名勾芒西
 海神名蓐收河伯名馮修使謁者以名召之神皆
 警而見武王王曰何以教之神曰天伐殷立周謹
 來受命各奉其使武王曰子歲時無廢禮焉按傳
 共工氏子曰龍主社為后土神少昊子曰重主木
 為勾芒神顓頊子黎主火為祝融神少昊第二子
 該主金為蓐收神少昊第三子熙主水為玄冥神

太乙



太乙

天神也。按漢書劉向校書天祿閣有老人着黃衣植青藜而進見向在暗中遂出杖端火照向讀書向問其姓名荅曰我太乙之精。

肩吾 燭陰



肩吾

按山海經崑崙之丘是實惟帝之下都神陸吾司之
其神人面虎身虎爪九尾司天之九部及帝之囿
時莊子所謂肩吾得之以處太山是也

燭陰

海外鍾山之神名曰燭陰即燭龍也其神視為晝瞑
為夜吹為冬呼為夏不飲不食不息氣息為風身
長千里人面蛇身一足赤色在無脊之國

雷神



雷神

六月廿四日生

廟在雷州之西南八里昔鄉人嘗造雷鼓雷車置廟
 中有以魚彘肉同食者立為霆震舊記云陳天建
 初州民陳氏者因獵獲一卵圍及尺余携歸家忽
 一日霹靂而開生一子有文在手曰雷州后養成
 名文王鄉俗呼為雷種后為本州刺史歿而有靈
 鄉人廟祀之陰雨則有電光吼聲自廟而出宋元
 累封王爵廟號顯震德祐中更名威化國史補雷
 州春夏多雷秋日則伏地中其狀如彘人取而食
 之又雅州瓦屋山有雷洞投以瓦石應手雷震

出像地神托神言

電神 風伯 雨師



電神

相傳東王公與玉女投壺最而脫誤不接者天為之笑開口流光今之閃電是也

風伯

飛廉是也應劭曰飛廉神禽能致風氣身似鹿頭似爵有角尾似蛇大如豹

雨師

商羊是也商羊神鳥一足能大能小吸則溟渤可枯

商羊神鳥一足能大能小吸則溟渤可枯

出像增補搜神記卷之一終

新刻出像增補搜神記卷之二

金陵三山對溪唐富春校梓

目錄

玄天上帝

北極驅邪院左判官

梓潼帝君

吳客三真君

許真君

張天師

三茅真君

祠山張大帝

五聖

至聖炳靈王

佐聖真君

王侍宸

袁千里

張果老

西嶽真人

太素真人

薩真人

壽春真人

負局先生

律呂神

劉師

玄天上帝



玄天上帝

三月初三日生

按混洞赤文所載玄帝乃元始化身太極別躰上三
 皇時下降為太始真人中三皇時下降為太朴真
 人下三皇時下降為太素真人至黃帝時下降為
 當上天開皇初劫下世紫雲元年建甲午三月甲
 寅庚午時符太陽之精托胎化生淨樂國王善勝
 夫人之腹孕秀一十四月則太上八十二化也淨
 樂國者乃奎婁之下海外國上應龍變梵度天玄
 帝產母左脇當生之時瑞雲覆國異香芬然地上
 變金玉瑞應之祥生而神靈奉措隱顯年及十歲

經典一覽悉皆默會仰觀俯察靡所不通潛心念
道志氣太虛願輔上帝普福兆民父王不能抑志
年十五辭父母欲尋幽谷內煉元真遂感玉清聖
祖紫虛元君傳授無極上道元君告玄帝曰子可
越海東遊歷於翼軫之下有山自軋兌起跡盤旋
五萬里水出震宮自有太極便生是山應顯定極
風天太安皇崖二天子可入是山擇衆峰之中冲
高紫霄者居之當契太和昇舉之後五百歲當龍
漢二劫中披髮跣足攝離坎真精歸根復位上為
三境輔臣下作十方大聖方得顯名億劫與天地
日月齊并是其果滿也告畢元君昇雲而去玄帝

乃如師語越東海遊步至翼軫之下果見師告之
山山水藏沒皆符師言乃入觀覽果有七十二峰
中有一峰聳翠上凌紫霄下有一崑當陽虛寂於
是玄帝採師之誠目山曰太和山峰曰紫霄峰崑
曰紫霄崑因卜居焉潛虛玄一默會萬真四十九
年大得上道於黃帝紫雲五十七年歲次甲子九
月初九日丙寅清晨忽有祥雲天花自空而下迷
漫山谷去山四方各三百里林巒震響自作步虛
仙樂之音是時玄帝身長九尺面如滿月龍眉鳳
目紺髮美髯顏如水清頂九氣玉冠身披松羅之
服跣足拱手立於紫霄峰上須臾雲散有五真群

仙降於玄帝之前導從甚盛非凡見聞玄帝稽首
祇奉迎拜五真曰予奉三清玉帝詔以子功滿道
備昇奉今聞子之聖父聖母已在九霄矣玄帝跪
伏恭詔五真乃宣詔畢可特拜太玄元帥領元和
遷校府公事賜九德偃月金晨王冠瓊華玉簪碧
璫寶圭素銷飛雲金霞之帔紫銷龍袞丹裳羽屬
絳綵之裙七寶鉢衣元光朱履飛紅雲舄佩太玄
元帥玉冊軋元寶印南北二斗三台龍劔飛雲玉
輅丹奉綠輦羽蓋瓊輪九色之節十絕靈幡前踞
九鳳後次八鸞天下玉女億乘萬騎上赴三清詔
至奉行玄帝再拜授詔易服訖飛昇金闕按元洞

玉曆記云殷紂日造罪憊惡毒自橫遂感六大魔
王引諸鬼衆傷害衆生元始乃命玉皇上帝降詔
紫薇陽則以周武伐紂陰以玄帝收魔斯時上賜
玄帝披髮跣足金甲玄袍皂纛玄旗統領丁甲下
降凡世與六大魔王戰於洞陰之野魔王以坎離
二氣化蒼龜巨蛇變現方成玄帝神力攝於足下
鎖鬼衆於酆都大洞宇宙肅清玄帝凱還特賜尊
號拜玉虛師相玄天上帝領九天採訪使聖父曰
淨樂天君明真大帝聖母曰善勝太后瓊真上仙
下蔭天闕曰太玄火精命陰將軍赤靈尊神地軸
曰太玄水精育陽將軍黑靈尊神並居天一

北極判官



北極驅邪院左判官

左判官者唐顏真卿德宗命真卿問罪李希烈親族
 餓於長樂坡公醉跳躑前楹曰吾早遇道士云陶
 八八授以刀圭碧霞丹至今不衰又曰七十有厄
 即吉他日待我於羅浮山得非今日之厄乎公至
 大梁希烈命縊殺之葬於城南希烈敗家人啟柩
 見貌狀如生徧身金色瓜甲出手背鬚髮長數尺
 歸葬偃師山后有商人至羅浮山有二道士奕
 奕下書曰何人至此童子曰小客洛陽人道士笑
 曰山前家子孫得書驚曰童子取紙筆作書客還至
 已空矣后白王蒼六願真卿為北極驅邪左判官

北極驅邪院左判官

卷之二

五

梓潼帝君



梓潼帝君

二月初三日生

按清河內傳余本吳會間人生於周初後七十三化
 為士大夫未嘗酷民虐吏性烈而行察同秋霜白
 日之不可犯後西晉末降生於越之西雋之南兩
 郡之間是時丁未年二月三日誕生祥光罩戶黃
 雲迷野居處地俯近海里人請清河叟曰君今六
 十而獲貴嗣童稚時不喜嬉戲每慕山澤往往語
 言若有隱顯盡誦群書喪避衆子自笑自樂身軀
 光射居民祈禱則余嗤訕長嘯曰土木而能衣人
 之衣食人之食享之而有應謗之而有福我為人

而為無靈乎自後夜夢或為龍或為王者天符或
為水符漕自恠而不甚信為吉兆三農憊旱嘉禾
無甦舞雩祝神括然無驗余思曰寐中夢治水府
今夕當驗夜往水際以夢中官函牒河伯而驚竄
尤恐恇恇不能忽尔之間陰雲四合風飛雷震一
吏稽首余前曰運判徙居余曰非我也我乃張戶
老之子名垂緣水府得達故字需美吏曰奉命從
子余曰家人如何吏曰先到治所余惶懼未決更
揖上一白驢而去俛首里闌風雨聲中頓失鄉地
到一山連劔嶺而撐參宮星也君鳳凰之偃下有
舌湫引余入一巨穴門有一石荀吏曰民之禱雨

祝此石而有應名曰雷柱吾方褰衣入穴吏又曰
君記周室為人七十三化陰德傳家而迄今否余
方大悟若夢覺也吏曰君在天譜得神之品於人
世界有知之者晉不日有中興之兆君可尋方而
顯化余曰謝天使響報也入穴則若墮千仞之壑
近地而足不沾若騰身虛空有王者之宮中有禁
衛余入遂見家人悉都其間改日作儒士徃咸陽
講姚萇之故事廟在劔州梓潼縣九曲之北其殿
有降筆亭中以金索懸一五色飛鸞口啣筆用
金花牋數百番常留筆下筆墨皆具亭門本府差
官封鎖甚嚴以防欺偽之弊降筆訖其亭內有銅

鍾自鳴廟吏聞於本府本府差官啟鑰取書以觀
報應其降筆多勸人以忠孝為本昨逆曦偕為蜀
王具犧牲設俎豆潔案盛親詣
帝君廟設祭甫致行禮黑風驟起滅燭撒香逆曦震
懼俯伏殿下須臾開明視祝板已碎作兩片矣
帝君奉
玉帝旨佐南斗汪生由是求嗣者多禱焉
唐玄宗追封左丞相僖宗加封
順濟王宋太祖加封聖號
忠烈仁武孝德聖烈王
聖后協應德惠妃

聖父顯慶慈祐仁裕王 聖母昭德積慶慈淑妃
聖子嗣德王 聖子婦善助顯懿夫人
聖子昌德王 聖子婦順助惠懿夫人
聖孫紹應昭靈侯 聖孫婦淋應夫人
聖孫承應宣靈侯 聖孫婦惠應夫人
佐神英惠忠烈翼濟福安王 即報喜太尉也
左右桂祿二籍仙官
延祐三月七日加封聖號
輔元開化文昌司祿宏仁帝君

增補神書已
卷之二

吳客三真君



吳客三真君

昔周厲王有三諫官唐葛周也王好畋獵失政三官
諫曰先王以仁義守國以道德化民而天下咸服
未聞禽荒也屢諫弗聽三官棄職南遊於吳吳王
大悅會楚兵侵吳王甚憂之三官進曰臣等致身
以死事大王自有安邦之謀大王無慮三官迎敵
各用神策楚降吳王遷賞三官拜辭奏曰臣等客
臣也不敢受賜后知厲王薨宣王之復歸周國宣
王錫賚甚厚仍其爵位后救太子靖王降五方使
者及非灾橫禍宣王遷三官於東袞撫治安慰民

受其賜商請其資所至無乏其國大治三官既昇
加封侯號

唐宏字文明孚靈侯 七月二十一日誕

葛雍字文度威靈侯 二月十三日誕

周武字文剛浹靈侯 十月初二日誕

宋祥符元年真宗東封岱岳至天門忽見三仙自
空而下帝敬問之三仙曰臣奉天命護衛聖駕帝

封三仙曰

上元道化真君

中元護正真君

下元定志真君同判

岱岳冥司

讚曰應變之聖道德之君辭周寄吳濟世救民周
而烈拯吳封客臣宋遇真宗天門顯身帝親問之
方得其因唐葛周氏天地水神上奉王詔保駕聖
明御製妙讚敕載姓名祠封太頂號建三靈

許真君



許真君

八月初一日生

許真君名遜字敬之汝南人也祖父世慕至道真君
 弱冠師大洞真君吳猛傳三清法舉孝廉拜蜀旌
 陽令以晉亂棄官與吳君問遊江左會王敦作亂
 二君乃假符呪謂敦欲止敦而存晉也一日同郭
 璞候敦、蓄怒而見曰孤昨夢得一木上破其天
 棹帝位果十全乎請先生圓之許曰此夢非吉矣
 曰木上破天是宋字明公未可妄動又令璞筮之
 曰事無成問壽曰若起事禍將不久若住武昌壽
 不可測敦怒曰卿壽幾何曰予壽盡今日敦令武

世修地補抄神言 卷之二

士執璞赴刑二君同敦飲席間乃隱形去至廬江
口召舟過鍾陵舟師以無人力駕舡二君曰但載
我、自行舡仍戒舟師曰汝宜堅閉戶隱若聞舟
行聲慎勿潛窺於是入舟頃刻間舟師聞舟搖撼
木葉聲遂潛窺見二龍駕舟在紫霄峰頂龍知其
窺委舟而去二君曰汝不信吾教今至此柰何遂
令舟師舟隱此峰頂教服靈草授以神仙術舟之
遺跡今尚存真君后在豫章遇一少年容似修整
自称慎郎真君与之話知非人類既去謂門人曰
適少年即蛟蜃精吾念江西累遭洪水為害若不
剪除恐致逃遁遂舉道眼一覷見蜃精化一黃牛

於洲北真君謂弟子施太玉曰彼黃牛我今化黑
牛仍以白巾與鬪汝訊之當以劍截彼俄頃二牛
奔逐太玉以劍中黃牛之左股因移入城西井中
黑牛亦入井蜃精徑走蜃精先在潭州化一聰明
少年人多珍寶娶刺史賈玉女常旅遊江湖必多
獲寶貨而歸至是空歸且云被盜所傷須更典客
報云有道流許敬之見使君賈出接坐真君曰聞
君得佳婿畧請見之慎郎托疾不出真君厲聲曰
蛟精老魅焉敢遁形蛟乃化本形至堂下命空中
神殺之又令將二兒來真君以水噴之即成小蜃
妻賈氏幾變父母力懇乃止令穿屋下文餘地皆

無水際又令急移俄頃官舍沉沒為潭蹤跡皆宛
然旨屢后於東晉太康二年八月一日於洪洲西
山舉家白日上昇真君自飛昇之后里人與真君
族人就其地立祠以所遺詩一百二十首寫竹簡
之上載之竹簡令人採取以決休咎名曰聖籤宋
徽宗政和二年五月十七日上尊號曰

神功妙濟真君改觀為宮賜額曰王隆萬壽帝因看
書於崇政恍然似夢見東華門北有一道士戴九
華冠披絳章服導從者甚衆至丹墀起簡揖帝
因問曰卿是何人不詔而至對曰吾為許旌陽權
掌九天司職上帝詔往按察西瞿耶國經田故國

復問曰朕患安息瘡諸藥不能愈真君有藥否即
取小瓢子傾藥一粒如綠豆大呵呪抹於瘡上覺
如冰酥灌入骨清涼遂揖而去行數步隨廻顧
曰吾弊舍已久寥落願聖皇舉眼一看為幸帝豁
然而覺詔畫像如夢中所見祥賜上清儲祥宮崇
奉詔真君遺迹去處未有宮觀即取本屬官職建
造如宮觀只因損壞如法修換無常住即撲近便
官田供辦

聖朝崇奉加至道玄應四字餘封如故

張天師



張天師

天師者漢張道陵也子房八世孫光武建武間生於
 吳天目山學長生之術隱北邙山章帝和帝累召
 不赴久之徧遊名山東抵興安雲錦溪升高而望
 曰是有異境遂沂流而之雲錦洞有岩焉煉丹其
 中三年青龍白虎旋遶於上丹成餌之時年六十
 容貌益少又得秘書通神變化驅除妖鬼後於蜀
 之雲臺峰升天所遺經籙符章并印劍以授子孫
 其四代曰盛復居此山歷代重之今其子孫世襲
 真人居於江西廣信府貴溪縣之龍虎山

三茅真君



三茅真君

三月十八日生

茅盈字叔申潒玄孫弟固字季偉次弟衷字思和生
 於漢景帝中元五年少秉異操獨味清虛年十八
 遂棄家入恒山修道餌木后師王君因西至龜山
 得見王母授以太極玄真之經歸入恒山北谷時
 年四十九也盈父母尚存父惡其父出遠遊欲杖
 之盈長跪曰盈已受聖師符籙常有天兵侍衛杖
 盈恐天兵相阻盈罪愈加重也父欲驗其語故杖
 之杖輒折成數十段如弓矢之簇中壁則壁穿中
 柱則柱陷父母始知其道成乃止盈曰向所啟正

慮如此后二弟俱貴衰為西河太守臣為執金吾
當並之官知里送者數百人時盈亦在座笑謂賓
曰吾雖不作二千石末年四月三日送僕登仙當
亦不減於今日也衆皆不之許時宣帝初元四年
也至期門前數頃地忽自平治無寸草皆施青繖
幄屋下盡鋪白毡可容數百人衆賓並集大作宴
會杳無使從但見金盤玉杯自至筵前美酒奇醖
異果不可名狀復有妓樂絲竹金石之音滿耳蘭
麝之香達數里外少頃迎官來至朱衣玉帶者數
百人旌旗甲仗光采耀日盈乃與家人親友辭別
登車乘雲冉冉而去時二弟在官聞盈飛昇皆棄

還家來兄於東山盈乃與相見謂二弟曰悟何晚
矣今年已俱老難可補復縱得真訣但可成地仙
耳於是初教二弟延年不死之法令長齋三年授
以上道使存明堂玄真之氣又各贈九轉還丹一
劑并神方一首各佩服之遂亦成仙后人謂之三
茅真君今祠廟昂列於句容之茅山三峰靈應奇
驗禮拜者傾江以南云

祠山張大帝



祠山張大帝

大帝姓張諱渤字伯奇武陵龍陽人也父龍陽君母
 曰張媪龍陽君與媪遊於太湖之陂忽風雨晦冥
 雷電並起失媪處俄頃開霽媪言見天神賜以金
 丹已而有娠西漢神雀三年二月十一日夜半生
 長而奇偉隆準修髯有神告以地荒僻不足建家
 命行有獸前導遂與李夫人東遊吳會渡浙江至
 蒼雲山白鶴山山有四水會流其下公止而居焉
 於白鶴得柳氏於烏程桑垓得趙氏為侍人王九
 弟五子一女八孫始於吳典郡長興縣順靈鄉役

陰兵自長興荆溪疏鑿聖瀆長三十里志欲通津
 於廣德也王設鼓壇為鳥所誤王見夫人變形未
 及遂不與夫人相見化於廣德縣西五里橫山之
 頂居民思之立廟祀焉夫人亦至縣東二里而化
 時人亦為立廟聖瀆之河湮為民田即浴兵池為
 湖灌溉瀕湖之田僅萬頃掛鼓之壇禽不敢栖蟻
 不敢聚云唐天寶中禱雨感應初贈
 水部員外郎橫山改為祠山昭宗贈
 司農少卿賜金紫景宗封
 廣德侯南唐封為司徒封廣德公後晉封為
 廣德王宋仁宗封為

靈濟主至寧宗朝累加至八字王至理宗淳祐五年
 改封

正祐聖烈真君至咸淳二年加封

正祐聖烈昭德昌福真君二月十一日誕生

封正寧昭助靈惠順聖妃李氏二月初二日誕生

封協應濟惠慈昭廣懿夫人趙氏

封協順承濟慈佑廣助夫人

王祖顯慶年休昭遠靈惠侯祖顯應起家昭靈夫人

王父慈應潛光儲祉衍靈侯王慈惠嗣徽聖善夫人

九弟

靈貺普濟昭助侯

靈德昭惠嘉懿夫人

善利通 貺靈助侯

善德助 惠正懿夫人

順成孚 應顯助侯

順德衍 惠昭懿夫人

康衛昭 應廣助侯

康德順 惠顯懿夫人

靖鎮豐 利宏助侯

靖德淑 惠靈懿夫人

休應曹 澤孚助侯

休德敷 惠靖懿夫人

明濟福 謙善助侯

濟德緩 惠昌懿夫人

昭祐通 濟信助侯

昭德靖 惠明懿夫人

嘉惠予 直順助侯

嘉德柔 惠光懿夫人

王子

承烈顯 濟啟佑王

五月初五日

承祀贊 福元穆協應夫人

嗣應昭 佑公

正月初四日

嗣嬪翊 福昭穆夫人

濟美崇 佑公 誕期十五日

濟順保 福恭穆夫人

紹休廣 佑公 誕期十五日

紹妣崇 福交穆夫人

善繼孚 佑公 誕期十一日

善行敷 福瑞穆夫人

王女

淑顯柔 嘉令儀夫人

王婿李夫人本廣無像位 醮楚

王孫

第一位 衍永福侯

第二位 衍社侯

第三位 衍佑侯

第四位 衍澤侯

第五位 衍瑞侯

第六位 衍渥侯

第七位 衍慶侯

第八位 衍惠侯

佐神丁壬三聖者

打供方使者封協靈侯

山泉曾南皮申已

五聖始末



九月廿八日生

五聖始末

按祖殿靈應集云五顯公之神在天地間相與為本
始至唐光啟中乃降於茲邑圖籍莫有登載故後
未者無所考據惟邑耆耄口以相傳言邑民王瑜
有園在城北偏一夕園中紅光燭天邑人麋王觀
之見神五人自天而下道從威儀如王侯狀黃衣
皂絛坐胡床呼瑜而言曰吾授天命當食此方福
佑斯人什勝尋幽而來至止我廟食此則佑汝亦
無勞瑜拜首曰惟命言訖祥雲四合神昇天矣明
日邑人來相宅方山在其東佩山在其西左環杏

邑人來相宅方山在其東

左環杏

墩右繞蛇城南北兩潭而前坐後大溪北來縈紆
西下兩峰特秀巉然水口良然佳處也乃相與于
來斬竹雜草作為華屋之像肖貌揭虔安靈四遠
聞之鱗集輻輳自是神降格有功於國福佑斯民
無時不顯先是廟號止名五通大中中始賜廟額
曰靈順宣和年間封兩字侯紹興中加四字侯乾
道中加八字侯淳熙初封兩字公甲辰間封四字
公十一年加六字公慶元六年加八字王喜泰二
年封兩字王喜定元年封四字王累有陰助于江
左封六字王六年十一月詔下封八字王
理宗改封八字王號

打供胡百二檢察

都打供胡靖一總管

打供黃太保

打供王太保

金吾二大使

掌善罰惡判官

周禮小宗伯祀五帝於四郊漢儀祠五祀宋朝明
堂畷五方帝位於昊天之神從之以五人帝五官
神皆五行直氣也蓋五行為天地間至大化必有
為之主宰者故曰玄冥曰祝融曰句芒曰神蓐曰
后土皆指水火金木土而言之則今五神之降於
川豈非默助五行之造化以福生民乎或以五聖
為五通謂其非正神名實不辨甚矣每歲四月八
日本縣故建大齋士民輻湊本朝有褒封勅詔

至聖炳靈王



第一位顯聰昭應靈格廣濟王

顯慶協惠昭助夫人

第二位顯明昭列靈護廣祐王

顯惠協慶善助夫人

第三位顯正昭順靈衛廣惠王

顯齊協佑正助夫人

第四位顯直昭佑靈貺廣澤王

顯佑協齊喜助夫人

第五位顯德昭利靈助廣成王

顯福協愛靜助夫人

王祖父啟佑喜應敷澤侯

祖母衍慶助順慈貺夫人

土父廣惠慈濟方義侯

母崇福慈齊慶善夫人

長妹喜應贊惠淑顯夫人

次妹懿順福淑靖顯夫人

至有吏下二神者蓋亦既貴不故以禍福驚動人之耳目而委是二神司之歟

黃衣道士

紫衣負覺大師

輔靈翊善史侯

輔順翊惠下侯

翊應助順周侯

令狐寺丞

王念二九帥

行供高太保

至聖炳靈王

五月十二日生

至聖炳靈王者即東嶽天齊仁聖帝第三子也唐太

宗加威雄將軍至宋太宗封上

吳炳靈公大中祥符元年二月二十五日封

至聖炳靈王

佑聖真君



佑聖真君

佑聖真君者真君姓茅諱盈本長安咸陽人也自幼
出家參訪名山洞府遇王君賜長生之術得道稱
為天仙至漢明帝朝儀朔三年天書忽降皆玉篆
龍文去大帝保命真君與東岳天齊仁聖帝同啟
死生共管陰府之事宋太宗封佑聖真君至真宗
加封
九天司命上卿賜福佑聖真君

王侍宸



王侍宸

侍宸姓王名文卿宋時臨川人侍宸其官也生有骨
相有道者器之長而遊四方履歷幾遍宇宙嘗遇
異人授以道法能召風雷宋徽宗號為金門羽客
凝神鴈侍宸寵冠當時賜賚一無所受時揚州大
旱詔求雨侍宸為仗劔嚙水曰借黃河水三尺后
數日揚州奏得雨水皆黃濁屢見顯異元時始建
祠今祠在建昌之府城內是也靈應益著執牲帛
而乞靈者絡繹於道

袁千里



袁千里

袁勝字千里南豐人王侍宸甥生氏子也有斬勘雷法
髣髴舅氏端平間寓戴顛家一日謂戴顛曰吾逝
矣可焚我言畢而卒戴焚之火及屍煙焰中有旗
現金字曰雷霆第二判官袁千里也

山陰樓神記

卷之二

二十七

張果老



張果老

姓張名果隱於恒州中條山往來汾晉間得長生秘術者老云為兒童時見之已言數百歲嘗騎一白驢日行數万里休息時乃折疊之其厚如紙置於巾箱中乘則以水噴之復成一驢唐太宗高宗徵之不出則天后召之出山佯死於姬女廟前有人於恒州山中復見之明皇齋醮書迎果隨至安置於集賢院問以神仙不答累試仙術不可究紀

西嶽真人



西嶽真人

西嶽真人姓馮名長驪山人周宣王時為柱下史觀
天文之變乃退隱攝生遇鄧真人授以靈書功行
垂成復遇彭真人授以太上隱書遂得仙用術活
人平王二十年春昇化而去

山嶽通志卷之二

天

太素真人



太素真人

九月廿三日生

太素真人姓周名亮字太真太原人母宵寢見五色流霞覆其宅因感有孕經十五月而生長而師事姚坦授五千文乃八素真經能治鬼恠各復真形周靈王太子晉聞之召典相見賜以九光七明芝亮修服之遂能變化或如七十髮白齒落經宿不出復為少年姿容如花或被亮人侮之其人不覺自縛困於拷擊叫號口中流血求哀乃釋之年一百九十餘歲威烈王十四年上帝遣天官下迎授為秦隴真人出入太清

薩真人



薩真人

薩真人名守堅蜀西河人也嘗學醫誤用藥殺人遂棄醫聞虛靖張天師及建昌王侍宸福州林靈素三人道法高遂來學法至蜀中其行囊已盡坐於石大憂忽見三道人來真人問此去信州遠近道人問所欲真人曰欲訪虛靖天師學法道人曰天師死矣復問王侍宸曰亦死矣復問林靈素曰亦死矣真人方悵恨一道人曰今天師道法亦高吾與之有舊當為作字可往訪之吾有一法相授日間可以自給遂授以呪藥之術曰呪一藥可取七

文一日但呪十棗得七十文則有一日之資矣一
道人曰吾亦有一法相授與之棕扇一柄曰有病
者則扇之即愈一道人曰吾亦有一法相授乃雷
法也真人受之辭去用之皆驗一日凡呪百餘棗
止授七十文為日用餘者復以濟貧及到信州見
天師投書舉家皆哭乃虛靖天師親筆也書中言
吾與王侍宸林天師遇薩君各以一法授之矣可
為參錄奏名真人后法愈大顯嘗經潭州人聞神
語曰真人提刑來日至次日人伺之只見真人攜
甕筇至有提點刑獄之牌人異之繼至湘陰縣浮
梁見人用童男童女生祀奉慶廟神真人曰此等

淫神好焚其廟言訖雷火飛空廟立焚矣真人至
龍興府江邊濯足見水有神影方面黃巾金甲左
手拽袖右手執鞭真人曰尔何神也荅曰吾乃相
陰廟神王善被真人焚吾廟後身相隨一十二載
只候有過則復前讐今真人功行已高職隸天樞
望保奏以為部將真人曰汝亮惡之神坐吾法中
必損吾法廟神即立誓不敢背盟真人遂奏帝授
職至漳州忽一日諸將現形環侍天詔召真人君
天樞領位真人方起身而即立化

壽春真人



壽春真人

真人姓梅名福字真壽春人仕漢為南昌尉見王
莽專政乃棄家求仙遊鴈蕩南閩諸山后入仙
霞山遇空同仙君授以內外丹法入鷄籠山修煉
不成乃至劔江西嶺再遇空同仙君謂福曰汝之
緣在飛鴻山也福遂往飛鴻山結菴修煉丹成趣
裝復還壽春一日紫雲浮空仙藥紛紛金童玉女
捧詔控鸞役空而下福拜詔辭家乘青鸞飛昇而
去宋元豐間封壽春真人今廟在金陵聚寶門外
靈應神異俗呼曰梅將軍廟

負局先生



負局先生

負局先生語似燕代間人因磨鏡輒問主人得無有疾苦者否若有輒出紫丸赤藥與之莫不愈時大疫每列戶典藥愈者萬計不取一錢後止吳山絕崖世世懸藥典人曰吾欲還蓬萊山為汝曹下神水崖頭一旦有水白色從石崖流下服者多所愈鄉人乃立祠祀之

山陰縣志卷之二 風俗 負局先生 三

律呂神



律呂神

祠在大同府渾源州之北五里神谿狐石上建於元
 魏元重修相傳泰初元年六月弘州人有張珪者
 晚憇於狐石之上忽一神人丰姿飄洒清瑩絕塵
 自空而下顧珪謂曰律呂律呂上天勅汝此月二
 十日行硬雨語畢即騰空而去珪會其意歸家遍
 以語隣村人使速收麥未及收者至日為雨所傷
 尽空事聞朝廷遣使祭焉


劉師



劉師

劉字記師姓劉字摩訶洞曉經律深入禪要占記吉
凶無有不驗沮渠蒙遜時西求仙學道經肅州衛
止治南小草菴上合掌皈依而入涅槃其徒茶毘
之骨化為珠血化為丹更為立祠於示寂之所相
傳祈禱者往七獲珠丹焉自是襍火火滅祈雨雨
靈禱病病瘥遠近爭崇奉之

搜神記卷之二終



山海經補注卷之二

三十一

山無林木... 言...

...

山無林木... 言...

...

